



**Quæstionum Canonicarum, In Quinque Libros
Decretalium, Tomus ...**

In Lib. III. Decretalium. In quo agitur De Rebus, quae in judicium devenire solent, cujusmodi sunt, de vita et moribus Clericorum, ...

Schlüter, Georg

Augustæ Vindelicorum, 1708

Articulus II. De Primitiis, & Oblationibus.

[urn:nbn:de:hbz:466:1-73045](#)

præstantes, quando ea faciunt, quasi sibi deberentur. De his plura Suarez **D. 23.**
de Censuris, **scđ. 5. num. 37.** & **D. 31.**
scđ. 6. a num. 12.

ARTICULUS II.

De Primitiis, & Oblationibus.

2644 **Q**uæstio est. 1. quid sint *Primitiæ*?
R. quod sint primi fructus, ex agro suscepiti, qui Deo offeruntur. Fuere in usu apud veteres Romanos, qui (ut scribit Plinius *lib. 18. c. 2.*) non gustabant novas fruges, aut vina, donec sacerdotes primitias libassent. Deinde in lege veteri Deuter. 26. jubentur Hebrei dare primitias: *tolles de cunctis frugibus tuis primitias, & pones in cartallo.* In lege gratiae est præceptum de primitiis solvendis, ut habetur ex c. *Decimas. 16. q. 7. c. revertimini.* 16. q. 1. & *juxta Suarez tom.*

1. de Relig. tr. 2. l. 1. c. 8. notandum autem, primitias non intelligi à dignitate, ut debeant esse *optimi* fructus, sed *ordine temporis*, ut debeant esse illi, qui primo colliguntur.

2645 **Q**uæstio est. 2. qualiter *primitiæ* distinguantur à *decimis*? R. cum Lessio *l. 2. c. 39. num. 30.* distingui ex eo, quia illa sunt primi fructus, decima sunt decima pars fructuum: deinde, quia *primitiæ* immediate offeruntur Deo in gratiarum actionem pro frugibus terræ: mediate vero, & secundario cedunt in usum ministrorum: decima proxime, & immediate dantur sacerdotibus in stipendum sustentationis, ob ministerium spirituale; his præmissis:

2646 **D**ubitatur. 1. quo jure fideles teneantur solvere primitias frugum? 2. in qua quantitate? 3. cui? Ad. 1. R. in lege Evangelica olim suisse præceptum juris folium Ecclesiastici, solvendi primitias sacerdotibus, & Ministris Ecclesiæ; colligitur ex c. *Præter. 6. dift. 32.* ibi: *Præcipimus, ut decima, & primitiae, seu oblationes vivorum, & mortuorum Ecclesie Dei, fideliter reddantur a Laycis,* & ut in dispositione Episcoporum sint, quas qui retinuerint, à sanctæ Ecclesiæ communione separantur; sic Alexander II. & Gregorius VII. in CC. *Lateran. re-*

lato 16. q. 7. c. decimas. 1. ibi: Oportet autem congruentias, nos decimas, & primitias, quas jure sacerdotum esse sancimus, ab omni populo accipere: quas fideles Domino præcipiente offerunt, iuxta illud vaticinium Malachia Propheta: *Inferre omnem decimationem in horreum meum, ut sit cibas in domo mea.* Ceterum, ut notat Azor *p. 1. l. 7. c. 27. q. 3.* Suarez *cit. l. 1. c. 8. num. 16.* hodie hac obligatio solvendi primitias, in plerisque locis per desuetudinem est abolita; quia cum principaliter ab Ecclesia fuerit decreta, propter competentem sustentationem Ministrorum Ecclesiæ, idèò, si illis aliunde, nempe ex decimis, & aliis oblationibus fidelium necessaria alimenta non defint, nihil verat, quod minus per contrariam consuetudinem obligatio solvendi primitias potuerit abrogari; ex quo etiam habetur ad 3. cui *primitiæ* olim solvi debuerint.

Ad alteram partem, de *oblationibus*, 2647
quaritur. 1. quid, & quotuplex sit oblatio? 2. in quem finem fiant? 3. ex quibus rebus fieri possint? 4. an sint sub præcepto? 5. an acceptare illas liceat, quando sunt à personis criminis infectis? 6. an eas acceptare possint Laici? 7. quæ sit poena detinentium oblationes? 8. ad quem pertineant oblationes factæ sacris imaginibus? Ad. 1. R. nomen *Oblationis* sumi posse tribus modis. 1. latè pro omni oblatione ad divinum cultum facta; & sic comprehendit etiam decimas & primitias; 2. pro omni eo, quod sive donatione inter vivos, sive mortiscausâ, aut alia ultima voluntatis dispositione Ecclesiæ, vel piis locis à fidelibus offertur. 3. strictè pro eo, quod quis vel per se, vel per Diaconum ad altare offert, aut manus sacerdotis deferit; sic Layman *l. 4. tr. 6. c. 7. a. 1.*

Ad 2. R. *decimas* offerti Deo in recognitionem supremi dominii, quod sibi in res omnes reservavit; *primitias* in gratiarum actionem pro primis fructibus ejus beneficio provenientibus; *oblationes* strictè, religionis intuitu, & divini cultus causa; licet postea in usum Ministrorum Ecclesiæ cedant. Ad 3. R. oblationes fieri posse ex iis rebus, ex quibus eas facere offrenti placet. Ad 4. R. non esse sub præcepto, nisi postulet necessitas ad susten-

sustentationem Ministrorum Ecclesiarum; intellige oblationes strictè sumptas; secùs enim est, si supponant pro decimis. Ad 5. q. si fiat à personis crimen infectis, non acceptari, si crimen, vel delictum afficiat ipsam oblationem; secùs est, si tantum afficiat ipsam Offerentis personam, nisi nasceretur scandalum, habetur ex c. *Quia in omnibus.* 3. de usuris, ubi textus loquens de Usurariis manifestis, nec oblationes eorum, inquit, quisquam accipiat: qui autem accepit, reddere compellatur; & donec ad arbitrium Episcopi sui satisfaciatur, ab officiis sui maneat executione suspensus. Ad. 6. q. negativè, ex c. *Causa 13. de V. S.* ibi: *primitiae, decima, & oblationes, in solis Ecclesiarum bonis precipue numerantur.* Oblationes vero dicimus, quæcumque de propriis, & licitis rebus Ecclesiarum à fidelibus offeruntur. Quicunque igitur eas per potestatem secularem obtinet, proculdubio contra Deum, & sanctorum Patrum nititur sanctiones: quinimò, & qui accipit, & qui tradit, *raptor & sacrilegus* judicatur.

2649 Ad 7. q. cum Bonacina de Censuris extra Bullam D. 2. q. 2. p. 1. decerni talibus excommunicationem c. *penult.* 10. q. 1. ubi Calixtus Papa, *oblationes,* inquit, de Ecclesiarum altaribus, sive crucibus à Laicis auferri penitus interdicimus, & sub distictione anathematis prohibemus; & c. *fin. ead. caus.* & *quest. num. 2.* ubi Damasus Papa, *omnino interdicimus,* inquit, *ut nullo modo unquam oblationes, que intra sanctam Ecclesiam offeruntur, sub dominio Laicorum detineantur:* sed tantummodo sacerdotibus, qui

quotidie Domino servire videntur, liceat comedere, & bibere: quia in vetero testamento prohibuit Dominus panes sanctos comedere filiis Israël, nisi tantummodo Aaron, & filii ejus: qui panes longè erant ab istis panibus, qui nunc in sancta Ecclesia offeruntur; & infra: *si quis verò contra hanc regulam nostram, & contra regulam sanctorum 318. Patrum, qui in Niceno Concilio hoc constituerunt, temerarius presumptor fuerit, & de cætero oblationes de sacris Ecclesiarum auferre molitus fuerit, sub anathematis vinculo sit colligatus, & condannatus.*

Ad 8. q. oblationes regulariter specta 2650 re ad eos, qui in tali Ecclesia, ubi sunt, spiritualia ministrant, nisi aliud habeat consuetudo, paclum, vel voluntas offerentium. Et ideo Barbosa in c. *quia sacerdotes. 13. cit. caus.* & *quest. num. 2.* tradit, veriorem, & hodie receptissimam sententiam esse, quod oblationes, quæ sacris Imaginibus deferuntur, sive hujusmodi sacræ imagines positæ sint in Ecclesia Parochiali, sive intra limites ejus, deberi Parocho loci; si in Ecclesia Cathedrali, Archipresbytero, qui curam animarum exercet: excipiuntur tamen oblationes in certum usum, seu finem, v. g. pro missis, pro fabrica, pro ornatu imaginis factæ ex piorum offerentium voluntate; quia tunc non ad Parochum spectant, ut illas in proprium usum convertat, sed ut offerentium voluntas plenè adimpleatur; quamvis & harum administratio ad Parochum spectet, c. *Vulterana,* & c. *quatuor. 12. q. 2.*



QUÆ-